

Ս.

Գերապատիւ Տեառն Տեառն Ստեփաննոս վարդապետի և Աբրայ խոր մերում խնդայ ի քրիստոս

... Զոսոկայի և զահագին գետնաշարժէ, որ եղև աստ..... ես զմասնաւոր ինչ գրեցից...: Նախ լուաք թէ ի կողմանս Խզնիմիտոյ ուռուցեալ ուրեք երկիր պատառեցաւ ի միոյ կողմանէ. և ջուր ժահահոտ իբրև զգետ յորդեալ խաղաց: Լուայ ևս թէ ի իւսկիւտար ի դաշտի յարածիլ իւրեանց, պատառեալ երկիր եկուլ զ15 երիվարս: Ի կողմանս Վլանկայու կաթնավաճառ մի ընդ անցանիլն՝ ձիով հանդերձ փնաց ընդ փլածով պատի, և մեռաւ: Իսկ եթէ չարչրի քարաչէն կրպակաց խաներուն, պէզէտէնին և մեծամեծ ապարանից և մզկիթաց, այսինքն ճամբից հանդիպեալ փնասն, ոչ գրչաւ և ոչ լեզուա հնար է պատմել: Միայն վասն չարչրի և այլ որ ինչ յարքունուստ պարտ է շինիլ 36000 քօակ թահմին եղև:... Յառաջ քան զաւուրս ինչ եղև անց[ր]և սաստիկ ի խալաթեայ և ի կոստանդնուպօլիս, և զի պախճէ խաբուսուին դրան անցք փակեալ էր յաւերածոց, դիզացաւ ջուրն աւելի քան զկանգուն մի ընդ ճանապարհս. 2 երիվարք և այր մի խեղդեցան: Իսկ ի յօրթագեղ յաւուր յայնմիկ ամենեկին ոչ տեղեաց անձրև: Բայց յաւուրն երկրորդի նոյն յօրթութիւն անձրևոյ եղև ի յօրթագեղ, և ի կոստանդնուպօլիս և ոչ կաթիլ մի անձրևոյ տեղեաց:... օրըստօրէ սաստիկ փնասեալքն յառաջին գետնաշարժէն, փլանին: Վէզիր խանը, զօֆճի խանը, և այլ քանի մի խանք, և սուլթան մուստաֆա ճամբսին գրեթէ հիմնայտակ եղև. յապարանս թագաւորին ևս ոչ սակաւ փնաս եղև: Եւ այնչափ երկիւղ և սոսկումն անկաւ ի սիրտս մարդկանց մինչև բազմաց ի բազում աւուրս վրանօք ի բացի բնակիլ: Լցան պարտէզք և պօստանք բացօթէիք:...

Յամի տեառն 1766
յունիս 5
[Կ. Պօլիս]

Ն. Խառայ
2. Թագէտս վրդ. Մխիթարեան

ՄԿԱ.

Բ

Գերապատիւ և Գերայարգ Տեառն Տեառն Ստեփաննոս վարդապետի Աբրայ խոր մերոյ ողջոյն աչաձաւբոյր

... իբրև սկսայ զպատարագն մինչև էի ասացեալ զսուրբ աստուածն, անկարծ ուրեմն անհնարին գոռամաք երկրի, որոյ ձայնն լսելի լինէր իբրև զձայն որոտման ամպոց, և մառախլապատ խառնակեալ օդոցն առ հասարակ ծածկեաց զտեսութիւն պատուհանիցն իբրև զծուխ լի փոշուով, և սկսաւ թնդալ երկիրն, և ամենայն տունն յորում էաք դողացեալ սասանիւր ի հիմանց իբրև զտերև մի ծառոյ: Յայնժամ թողեալ զպատարագն դարձայ առ ժողովուրդն և խաչակնքեալ ի վերայ նոցա ասեմ մի՛ երկնչիք, և դարձայ անդրէն ի պատարագն, և իբրև տեսի եթէ տակաւին ոչ դադարեցաւ, երկրորդ անգամ դարձայ և արարի նոյնպէս, և տեսեալ թէ ոչ դադարէ, այլ հետզհետէ առաւել ևս զօրանայ շարժումն և դղրդիւնն անհնարին, և այնպիսի շարժէ, զի ի կործանումն է շարժումն, ասեմ ցնոսա մի՛ կայք, ելցուք արտաքս, ասեմ ելէ՛ք, այլ նոքա ապշեալ իբրև անշունչ անզգայ ոչինչ իմանան, և ոչ լսեն, ոչ գիտեն թէ ուր են, և զի՞նչ է, և են ուշաթափեալ ամենեկին. և էաք ի փոքրիկ սենեկի անդ աւելի քան զերեքտասան ոգիս: Իբրև տեսի թէ կործանումն է կատարածն շարժմանս այսորիկ ասեմ ցնոսա երթիցուք, և ես շուրջառոփս